

中國地方志集成

四川府縣志輯（新編）④8

光緒補纂仁壽縣原志

民國犍爲縣志

巴蜀書社·鳳凰出版社·上海書店

第四十八冊目錄

光緒補纂仁壽縣原志 一

民國健爲縣志 二五三

緒光

補纂仁壽縣原志

清·翁植 楊作霖等 修 陳韶湘 纂
光緒七年刻本 六卷末一卷

序

仁壽縣志三修於同治年間去今未久也光緒五年冬予除授斯邑六年春邑人士因公晤語僉謂前志有宜刊正者有宜增入者非及時補纂不為功集議未諧而予以調權榮縣事去七年秋奉檄回任志已告成取而讀之敘述簡明體例矜慎一洗向來蕪累之習其用力可謂勤矣志乘之作首貴徵文考獻昭示來茲仁壽自漢晉以還人文蔚起南宋虞雍公偉烈奇功尤為古今有數人物生斯土者參稽故事景慕前徽其所為觀

感奮興爭自濯磨以漸至乎古昔之盛者道固在有在宜惟是炳々琅々飾圖經為觀美耶剗剗既竣司事者問序於予竊念予於是舉初無絲髮之勞不宜綴名簡端致貽掠美之譏而邑人士再三謂予終不可無一言也因為畧記大凡以塞其意予既鞅掌簿書又學識淺陋其於作志之義無能推闡以明才之不逮深自知之今乃強顏而為之錄豈不桀掩卷待惶淙之慙愧汗相屬也

光緒七年歲次辛巳十月知仁壽縣事翁植序

仁壽縣志序

仁壽縣志創於升任方伯姚一如先生而京山李太初大尹續成之道光中葉關中馬夢九大尹踵為新志同治初邑孝廉馬伯枚更別新舊志而為志志凡三修各擅其長而邦人士僉以舊志徵引典贍抉擇謹嚴稱善本焉澳匪竄擾後城不守板燬於火前宰翁君培之履任慨然有復修之志延邑人陳君漁帆補纂功未成且移去余自邗調權縣事漁帆以脫稿進受而讀之始嘆舊志徵引必註來歷抉擇必絕瞻徇邦人士所謂典贍

補纂壽縣原志卷一

一

詳嚴者洵非虛語顧其中亥豕魯魚頗多訛舛屬幕僚曾君正沅鄭君海門一一校正之穿鑿附會如秦少游蓬萊閣詩之類近於失實芟薙之其未能割愛如備錄韓子若孫葆光詩詞不免蕪雜別為志餘一卷他如馬志所載有關體要者補纂已分門屏入之其新志所載頗多補舊志之不逮未可盡沒爰別而擇之因其書晚出故附於卷末刊刻既成特為序其緣起如此至於補纂一遵舊志體例浸浸乎與之爭勝漁帆力也或謂余秉筆焉則吾豈敢光緒七年辛巳遵義楊作霖書

補纂序

地志書以三輔黃圖華陽國志爲最古嗣是作者代興郡縣備舉仁壽幅幘遼廓凡建置疆域山川塘堰橋梁城池公署古蹟土產官師選舉名宦人物列女學校與夫壇廟戶口倉儲管制名墓義塚均當垂諸志乘自勝國來無志可攷

國朝乾隆五十四年姚一如觀察知縣事始事纂修未及成奉調去嘉慶七年京山李侯權邑篆乃卽原纂底稿會萃厥說編次付梓義例謹嚴引用典

補纂仁壽縣志序

一

贍允推善本近以板藏龍峰書院滇匪竄劫正寢火板片十毀六七餘漫漶卽當日發給士夫家全書歷年久大都散佚客冬邑人士會議補訂完繕以存其真適培之翁明府來視縣事欣然舉行今春延不佞從事未幾翁公量移榮州郭大尹濟生楊公接任甚以志事爲重凡所裁訂皆公總持竊從其後參校成書敢言作哉特誤請證斷者續云爾

光緒辛巳孟冬月陳韶湘蓮叔謹書

仁壽縣志序

陞任觀察姚一如先生於乾隆五十四年知縣事修纂邑乘會奉調他去未及成書越十餘年余權縣篆其友邵野塘將原纂底藁見示別有殘箋廢楮之屬淋漓數百條小楷蠅頭皆野塘手蹟其於人物也尤加詳焉余於是知

觀察之大有造於陵陽而野塘之用心爲獨至也爰就公餘載披行笈因循者易爲力不兩月此書遂成余慨夫邑乘寥山無形勢水無源流路不計程

補纂仁壽縣志序

一

橋不跨水而名勝古蹟政事文學之大者該括寥寥遂使勝蹟之無所稽而先型之日就湮沒也用發新例備書之語必疏其所自事必獻其所疑士女懿行務審慎再三然後登入志如史貴乎信也乃若星象非一邑之專照亦天文所當秘密者祥異之臧辰寺觀之崇淫祀皆所無取土產擇其有關於邑者書之風俗隨長吏爲轉移苟喪葬婚娶不合乎禮儀又非所以風世也藝文各附其類編經籍概乎藝文矣墜簡遺文廣爲蒐羅亦遵原纂

之例原纂考訂最爲富贍標古書之名示有據也
雙行續纂聊質所疑亦備一家之作云爾其同纂
修者學博嚴君賡唐姚君芝礎縣尉孫君君達也
邑孝廉汪子天懷鄆子邁皋劉子青選博學而善
於文因緘而寄之靳於共相參酌焉

嘉慶七年仲秋月既望知南充縣署縣事京山李
元太初書

原序

余之蒞仁壽也歲在己酉邑舊無志創爲槩本越明
年孫節相補山公有江南之行

奏請偕往志事中輟已忽忽十餘載矣今春署邑篆李
令以新志屬余爲之序序曰縣之置始自後魏而改
普甯爲仁壽則在隋時其後或屬陵州或屬成都府
至我

朝改屬資州固西蜀之名區也

國家仁風翔洽休養生息歷百數十年山疇之墾闢戶

口之殷繁官師人物之才者能者與夫鄉賢潛德閭
閻幽貞諷諸掌故零落莫詳焉夫周官土訓掌道地
圖以詔地事誦訓掌道方志以詔觀事蓋將使來者
有考也守土而不畱心志乘甯非闕歟京山渾齋李
君以南充宰權仁壽事甫下車卽修葺文廟經理
鄉賢祠墓嫻於吏治政通人和謂邑不可無志取舊
槩續纂之衷陳編添新得參考互訂粲然美備詳搜
何文縝虔忠肅之紀傳而忠烈長昭備錄孫葆光韓
子蒼之詩詞而遺音不墜慨通志之多誤也爲之正

三嵎山之名聞落馬巖之誣辨蟠溪赤水之實爲一流稽始建廢縣之當屬仁邑於選舉則核宋時之籍貫於人物則補李新員興宗之姓名若此之類余向嘗見及之而刊譌正謬渾齋言余之所未言實言余之所欲言也昔司馬溫公嘗稱宋次道長安河南二志雖因韋述舊記而詳不啻十餘倍歎爲博物書余其敢追蹤韋述哉若渾齋之書誠博物矣壽之梨棗昭示將來自茲陵陽文獻庶有徵乎抑余更有念焉邑處崇岡積嶽之間幅頓遼廣深賴循良之吏躋民

補纂仁壽縣志序

二

於仁壽稽戶版當知撫綏之匪易也覽塘堰富籌水庸之盡復也策科名觀習俗當思禮教之宜先而振興之宜力也凡此用心已寓於渾齋意園一記卽景會神緣情立政此中有真意生斯官斯者不皆可以意逆耶余既樂觀新志之克成竊愧曩者所纂之多疏陋也是爲序


嘉慶八年歲次癸亥孟陬月立春後三日雲間姚令儀并書

仁壽縣志

卷一 圖

三

仁壽縣志
疆域圖



仁壽縣志原纂部目序

上地部

星野○郡志邑乘輒先及星野其說昉自周官保章氏辨九州封域而史墨遂占歲星孟堅聿詳分野然鄭康成已云不可得聞況其後焉者歟明諸城程煜云天無體以二十八宿爲之體繞極周天而無一息之停其所照臨高矣遠矣乃以區區九州之地而天各有主宿者其意謂九州之地足以蔽列宿故于一已彈丸之區亦必求專宿主之于

補纂壽縣志部目序

三萬里之上何小之乎窺天也此言一則先得我心茲姑約錄舊說以備參稽其敢汗漫談天耶建置○詩曰既景乃岡相其陰陽知古聖人體國經野首在建都邑意良深也自封建廢而郡縣之制設所以慎守封疆順時施宜者不容或略邑自漢以來幾經建置沿革爲按籍錄之所以版章土宇也

疆域○周禮封人造都邑之域封其四疆蓋地之橫縱正隅必有一定之界脊固封守因以撫柔此

民也仁邑周圍計四百餘里疊嶂重巒平曠野綺交脈注于其間有關於保障者大矣

形勝○環邑皆山也而治居三隅之中迴合有自然之勢前對鼇峰後枕隆山左峙翳嘶右據金鳳領袖飛泉襟帶蟠水跨天池之絕頂望官渡之清流此則形勝之大概已

山川○山土之聚也川氣之導也地之體居天正中譬諸人身山其筋骨水其脈絡兩相聯貫於以運用不窮而山自有幹與枝縈紆而曲折水自有

補纂仁壽縣原志部序

二

源與委滋渥而渟泓凡郡邑皆然仁邑方隅峻嶺危峰周遭綿互欲一一臚列之難更僕數錄其梗概可耳至河渠書溝洫志後世言水利者承權輿焉茲邑江流稍遠溪澗居多翕受不宏無汪洋之大觀而耨有利於農田也志之

塘堰○秦李冰鑿離堆以灌蜀壤立水則曰深洵灘低作堰堰之名始此

橋梁○古未有以橋名者詩無逝我梁在彼淇梁造舟爲梁孟子興梁竝及徒杠知梁可名杠可名

要不名橋也讀書記秦昭王初作河橋此以梁爲橋所自助乎邑當河分岡斷雖會不容刀勢有難于飛越者志之以見利有攸往焉

城池○保障稱賢崇墉比峻所在皆然仁邑則之屏之翰爲岡爲陵試登高而望遙峰聳翠疊岫排青密菁深林重重迴護鞏固堂構踰于墉壑况我國家混一寶區懷德爲城被澤爲池不待險而烽煙永靖何待擊柝重門耶

補纂仁壽縣原志部序

三

公署○縣邑之長將以懸法布象則有其所焉將以朝考夕庀則有其居焉然琴臺因宓子而傳鶴署由趙公以著重其人非重其地豈徒取崇高軒敞謂足以肅觀瞻耶

古蹟○凡人之一身見夫某水某邱爲童子時所釣遊猶低徊畱之不忍卽去况乎遠而數千載近亦百餘年先賢名士過而嘯險逸客寓公于茲棲託其可委諸衰草荒榛乎人事有代謝往來成古今掇拾其大略爲一綫之延使瞻古者按其蹟而求之躊躇焉想像焉不覺慨然以興甯第拾香荷

而霏玉屑已哉

風俗○邑被

國家陽和之澤自五穀以及蔬果發榮滋長無不爭先冬少嚴寒夏鮮酷暑所謂四時皆似夏一雨便成秋者與他方同此天地自然之氣候也楊升菴曰禹貢言物產而不言風俗風俗以人變也仁壽儒耽絃誦農守耕耘吉凶賓嘉禮從儉約間或鼠牙雀角長民者隨時聽斷爲去其已甚安其故常焉原其始乘勢利導之防其終董率整齊之

補纂仁壽縣原志部序

四

聖天子漸仁摩義精益求精加詳邑人士食德服疇久而成化有不進富庶之風咸登仁讓歟

土產○讀禹貢梁州之域所貢如鏐鐵銀鏤砮磬熊羆狐狸織皮而知古王不尚珍奇怪異也讀幽風七月之詩所載鬱蓂葵菽黍稷麻麥條桑剝棗祭韭獻羔之類而知先聖重念國計民生也夫土者吐也說文云地之吐生萬物者若有地而不能吐生萬物則謂不毛仁邑雖僻壤去不毛大有間矣其見于唐志嘗貢細葛貢續隨昔有者或今無

而所產之合於土宜一名一物烏可不紀

人民部

官師○仁壽在漢屬犍爲郡有若杜軫杜烈任元王禹李苾魏紀趙宣何祇楊洪壽良之父祖二世數人者俱爲太守而華陽國志等書統屬之犍爲則未知其爲武陽歟抑爲南安歟不可得而詳矣唐宋以來或爲郡爲縣或爲州爲監因時升降稱謂各殊蓋自故牒凋零涖斯土者不特治行政蹟多失攷證卽題名亦等晨星之落落實不能無掛

補纂仁壽縣原志部序

五

一漏全之謂今第據有名可稽者載之其敢以優絀爲去取耶周官縣有正漢仍秦制有令有長有相歷代因之以令爲知縣明制也唐京縣置主簿三員宋小縣無令以主簿兼令大縣無簿以知縣兼簿明制縣有主簿其員缺至

國朝奉裁縣尉見春秋戰國兩漢稱左右部六朝號法曹唐宋皆士人擢第授尉起家元置典史蓋典文移出納之職明因之唐開元初州縣之學皆擇師教授宋元祐後始有教職蓋爲師儒之官

也其官則有管句學士之名凡縣之令佐皆得兼之景定間始置主學咸淳又置學正學錄直學學諭長論等官而教諭之設自元始明制縣設教諭一員訓導二員銓選於他省

國朝皆本省授官

選舉○邑在唐時登第者無考宋元姓名亦多今錄其可知者進士可進受爵祿者也禮記王制曰大樂正論造士之秀者以告於王而升諸司馬曰進士又云論進士之賢者以告於王而定論言

補纂壽縣原志部目序 六

各置其所長耳而設科則助於大業三年舉人見後漢書章帝紀每尋前代舉人貢士或起隴畝不繫閭閻是也宋有舉人之稱無舉人科其定辰戌丑未年會試子午卯酉年鄉試則始於明

自漢武帝良家立選成帝知兵召募平帝下武勇明法之令安帝有堪任將帥之詔而武科之制興其別立一科稱爲武舉始僞周武后長安三年見唐書選舉志宋開寶慶厯間兩罷武科以富弼蘇洵司馬光言復其舊乾道間增置武學省試廷對

亦賜及第出身明洪武時訓士有武學科目有武舉成化五年開科較騎射而武科以重明洪武中分府州縣學挨次序而貢士國有慶典以當貢爲恩貢升其次爲歲貢拔貢亦明制也宏治間南司成章懋奏行選貢之法漢董仲舒云擇吏臣之賢者貢各二人其歲貢之名所由助乎元成宗詔中外每道歲貢二人明太祖令郡縣學歲貢生員各一人乃卽今之所謂貢也

補纂壽縣原志部目序 七

名宦○名者實之賓也國家設官分職所以養民果其熱誠彪炳馨香俎豆奕世稱道不衰非特口碑在當時也邑自唐以前蒞任題名尚難考證何論治行宋元而後其姓氏及歷官政略間可旁搜不急爲表章是古之人旣無能傳於今由今以往並無以傳於後矣我

朝允釐百工尤愼邑令官斯土者有報最而號循良符陰雨甘棠之美乎名存而宦爲不虛宦成而名乃不負矣得弗凜凜歟

人物○仁邑古武陽地山川滄樸之氣磅礴而鬱

積地靈則人傑自鍾漢晉英賢聯翩鵲起史不絕書宋如虞雍公武功相業爲第一流人元則虞文靖人文彪炳芳名千古求其儔蓋寥寥也外此類多卓然自立其所表見皆不虛據舊聞而書之亦足徵地以人傳矣

列女○春秋書宋伯姬蓋紀內女之卒變文以見義而已輯有成書自劉子政始而諸史乃踵例作傳矣夫婦人以工容德言稱賢從一而終豈願以節烈顯不幸幽閨鏡破弱質鸞孤獨能之死靡他

補纂仁壽縣原志部目序

八

或矢冰霜或捐香玉以全其松筠不改之操豈不可以風世乎仁邑之合例受旌者稽之得若而人焉烏頭綽楔表厥門閭其間有已沒未旌與夫年老生存不妨竝書之俟太史氏也

方外○六代以來緇黃迭起奇奇怪怪閒見層出謂之方外誠外之也然究其言心言性言覺言空言道德言參同契尚非涉於荒誕欲辭而闕之終不能人其人火其書此其中亦有精意焉存而不論焉可

政事部

學校○繼往開來德莫崇於

孔子尊儒重道典莫盛乎

皇朝

聖祖仁皇帝御製孔子先師及顏曾四子贊深契道妙先

紹心源惟

聖知聖其揆一也普天之下入廟告虔禮有度樂有容器則備乎俎豆尊彝物則具乎牲牢黍稷祀事之隆不誠超軼前代也耶

補纂仁壽縣原志部目序

九

書院○古者自閭塾黨庠州序上至國學造士之法甚周秦以後或闕矣士大夫往往於郊外作精舍以爲春夏讀書秋冬游獵之所漢文翁守蜀闢石室作禮殿立講堂此蜀書院所自昉乎唐更宏文爲麗正於是有書院之名然爲典守祕籍而設宋則以之爲諸儒講學地或因朝廷賜書或因故家積書之多學者就其所在敬業樂羣號爲書院鹿洞嵩陽嶽麓石鼓稱名蓋不一也元令諸路各縣設小學明初書院本未嘗禁至嘉靖間許謙

張居正請查革而士論譁然矣我

國家菁莪造士文治光昌作人之化黌序大備雍正

十一年奉建立書院之

諭旨於是郡縣皆設俾有志觀光者咸得肄業焉延
名師萃俊秀一切膏火之資公家爲之詩不云乎
古之人無斃譽髦斯士

壇廟○虞書秩宗命典三禮周官大宗伯以五祀
佐王建保邦國典誠鉅矣蓋明有禮樂幽有鬼神
幽明既翕肝蠻斯通故凡祀邑置壇蠶隆廟貌事

補纂仁壽縣原志部畧

十

神教福亦寓崇德報功之義焉至緇黃迭興穹樓
祕壇雖無涉於典訓但福利之說亦納民於善之
機也從宜從俗可耳

名墓○墓大夫掌兆域之辨其制蓋云古矣方言
凡葬無墳者謂之墓有墳者謂之槨檀弓古者墓
而不墳也陵井前賢托體之區纍纍者半歸零落
今日龜趺之臥皆昔時馬鬣之崇封也懷古情深
宜其動文子之歎爾

義塚○古者葬則旌之以銘旌者別也銘者白名

也蓋其於骨骸嚴而別不欲其混也若塚而曰義
則合五方雜流之人皆得藏於其土深得澤枯遺
意焉陵陽三鄉各於所居近地掩骼埋胔無暴露
之虞義舉也當備書

戶賦○東南爲廣西北爲輪禹甸芒芒也周禮太
宰九職三農先鄭謂平地山澤也後鄭分原與隰
與平地當之要之自畫疆析里皆有土田亦奉上
急公爰征賦稅而任土作貢著有常經寓撫字於
催科烏容歧視歟至周禮小司徒之職以孟冬獻

補纂仁壽縣原志部畧

十一

民數於王以歲時辨其可任者其戶役所由始乎
仁邑遭明季流寇之變生齒摧殘所云均以九式
咸則三壤者蓋難言之經我

朝休養生息元氣迺復康熙五十二年

諭令據五十年丁冊定爲常額續生人丁永不加賦戶
籍之版遞增惟正之供猶舊

皇仁優渥遠超三古民生其間抑何幸也

倉儲○常平倉周禮倉人掌粟入之藏遺人掌邦
之委積爲後世倉儲之所由始魏李悝作平糶之

法視歲之豐歉以爲出入取有餘以補不足爲後世倉儲糴糴之所由始漢耿壽昌又倣李愔平糶法令邊郡築倉穀賤恐傷農則增價糶之以利農穀貴恐民饑則減價糶之以利民至宋朱子遍下於諸路而其法益備明初賦有常經後乃用匱而橫斂矣我

朝百數十年來時和年豐積貯盈足固不第仁邑倉儲照額實存也○社倉隋長孫平請令諸州百姓於秋成收穀之日隨其所得勸出粟及麥卽於當

補纂仁壽縣原志部目序

三

社造倉貯之若當社有饑饉卽以此穀賑給唐戴胄師其意行之宋乾德元豐間皆建立義倉而社之名則始自朱子我

國家亦飭各郡縣豐年捐輸穀石存貯畱社荒年出借加息償補還倉奉行方著也

蠲卹○夫損上益下純王美政也加富於庶治國大經也顧前代貸租發粟之事曠時不一遇焉

聖朝厚德深仁淳固之氣氤氲化寓卽唐虞三代亦未能比隆而天下郡邑遇偶歉卽行帶征值偏枯動

予酌免逢

國大慶則屢普蠲滋液滲漉

麻澤均沾使民鑿井耕田皞皞熙熙羣遊於化日光天之下以邀

皇仁蓋淪肌浹髓歌咏載塗也久矣

營制○周官之伍兩卒旅師軍卽比閭族黨州鄉也管氏因而小變焉作內政以寄軍令有五人爲伍軌長帥之五十人爲小戎里有司帥之而且有連長以帥卒有鄉良人以帥旅有鄉師以帥軍其

補纂仁壽縣原志部目序

三

在今之分汛蓋昔之軌長也今之駐防蓋昔之里有司也夫易著師貞書稱克詰武事本與文教並崇抑聞古人有言有文無武無以威下有武無文民畏不親文武俱行威德乃成旣成威德民親乃服誠哉是言也我

朝偃武修文德威遠布猶念兵以衛民寧可百年不用不可一日不備故分防縣汛提標撥外委把總一員帶領馬步戰守兵以資捍禦爲法抑何美備

歟